

Letšatši la Tokologo

Connie Makgabo


Sibusiso Khumalo



Letšatši la tokologo, la di 27 Moranang ke
la bokhutšogohle nageng ya Afrika-
Borwa.

Kanegelo ye e bolela ka letšatši la
Tokologo.

O tlo kwa ka histori ya lona, le gore
goreng le le bohlokwa mo khalentareng.



Afrika Borwa e hweditše tokologo ka di 27 Moranang 1994.

E be e le la mathomo bathobaso ba bouta dikgethong tša Afrika Borwa.

Re keteka mafelelo a kgethologanyo ya merafe le mathomo a temokerasi.



Temokerasi ke mokgwa wo batho ka moka ba bagolo ba kgonago go bouta.

Batho ba bouta le go kgetha baetapele ba mmušo dikgethong.

Mmušo wa kgethologanyo ya merafe wa Afrika Borwa o be o sa dumelele bathobaso go bouta.



Balwela tokologo ba bantši ba be ba sa kwane le mmušo wa kgethologanyo ya merafe.


Nelson Mandela ke molwela tokologo wa go tsebega kudu.

O ile a ya kgolegong mengwaga ye 27 ka ge a be a lwela temokerasi.



Melokoloko ya batho e tsogetše mafelong a go boutela ka di 27 Moranang 1994.

Ge re bouta, re kgetha batho ba re nyakago ba eta pele mmušo.




Batho ka moka ba be ba thabetše go bouta dikgethong tša mathomo tša temokerasi Afrika Borwa.

Melokoloko e be e le ye metelele.

Letšatši le be le fiša kudu.

Fela batho ka moka ba thabetše tokologo.



Nelson Mandela o gopola letšatši le lebotse le ka kgahlego.

Ga a lebale melokoloko ye metelele ya batho ye e bego e bonala mebileng.

O re seswantšho se sa dikgetho se ka se tloge monaganong wa gagwe.



Mafrika Borwa ka moka ba mengwaga ye 18 le go feta ba ka bouta.

Nageng ka bophara, re be re letetše go ya mafelong a go kgetha.

Re eme go fihlela bošego, mafelelong ka moka ra kgona go bouta.



Mafelo a go bouta a ile a tswalelwa. Dibouto tša thoma go balwa.

Ke nako ya go tseba gore batho ba kgethile mang gore a buše naga.


Batho ba dimilione tše 20 ba boutile ka di 27 Moranang 1994.



Mokgatlo wa *African National Congress* o hweditše dibouto tše dintši kudu.

ANC ya thopa dikgetho tša mathomo tša temokerasi!

Nelson Mandela e be e le moetapele wa ANC. Ke yena mopresidente wa mathomo wa Afrika Borwa ya temokerasi.



Mmušo o dirile letšatši la 27 Moranang la boikhutšo gohle, gore re kgone go le keteka ngwaga ka ngwaga.

Letšatši le le emetše khutšo le poelano.

Re le keteka ka go kgobokana mabaleng ka ge le le bohlokwa. Re le keteka ka mmino, direto le dipolelo.




Ka letšatši la tokologo, re hlompha balwela tokologo ba rena.

Re keteka go fela ga kgethologanyo ya merafe.

Re keteka ditokelo tša batho ka moka tša go bouta.

Ebile re tshepiša le go netefatša tokologo le tekano ya batho ka moka. Ye ke yona temokerasi!



Dikgetho tša Afrika Borwa di rulaganywa ke *Independent Electoral Commission (IEC)*.

IEC e netefatša gore dikgetho tša rena di laetša 'tokelo ya boikgethelo'. Na o nagana gore seo se ra goreng?

Nyakišiša go ya pele ka mošomo wa mokgatlo wo.

—Dipotšišo

1. Na go diregile eng ka letšatši la 27 Moranang 1994?
2. Goreng letšatši le le le bohlokwa?
3. Gobaneng letšatši la 27 Moranang e le la boikhutšo?
4. Na temokerasi ke eng?
5. Na mopresidente wa mathomo wa Afrika Borwa ya temokerasi ke mang?

—Dipuku tšeo di lego mo
tlhahlamanong ye

- Letšatši la Poelano
- Letšatši la Tokologo
- Letšatši la Bohwa
- Letšatši la Ditokelo tša Botho
- Letšatši la Basadi
- Letšatši la Bašomi
- Letšatši la Bafsa

Pukwana ye ya kanegelo e hlamilwe le go ngwalwa ka Sepedi, bjalo ka projeke ya methopo ya go bala ya Zenex Ulwazi Lwethu.



Ulwazi Lwethu is a Zenex Foundation funded and initiated project to develop a series of graded and leisure African language readers and teacher support materials. This project is targeted at teaching and supporting learners in the Foundation Phase to improve their home language reading and understanding. The readers have been originated in nine African languages in collaboration with Molteno Institute for Language and Literacies, Nelson Mandela Institute for Education and Rural Development, Room to Read South Africa, and Saide. All resources are developed as Open Education Resources (OER).



Your attribution should include the following:

Title: Letšatši la Tokologo

Author/s: Connie Makgabo

Illustrator/s: Sibusiso Khumalo


Assurer/s: Sarah Lekganyane, Dikeledi Queen Shai

Language: Sepedi



© Zenex Foundation - Saide 2023

CC BY includes the following elements:

BY  - Credit must be given to the creator

